


Opis strukture Međusektorske mreže za poljoprivredu i ruralni razvoj

Bosna i Hercegovina prolazi kroz vrlo složen proces tranzicije koji podrazumijeva čitav niz političkih, ekonomskih i socijalnih promjena i uključuje niz reformi i transformacija cijelog društva. U sektoru poljoprivrede i ruralnog razvoja posebno je složen proces reformi koje se moraju provesti, a zavisi od čitavog niza faktora koji mogu uticati na krajnji ishod integracija. Za uspješno provođenje ovog procesa neophodno je maksimalno ulaganje napora svih aktera u lancu, uključujući privatni, javni i civilni sektor i njihov međusobni dijalog i saradnja. Stoga je cilj kroz projekat „Uspostavljanje međusektorske mreže za poljoprivredu i ruralni razvoj u Bosni i Hercegovini“ doprinijeti jačanju i koheziji civilnog društva uključenog u sektor poljoprivrede i ruralnog razvoja, te stvoriti uslove da civilno društvo u ovom sektoru utiče na kreiranje i implementaciju javnih politika, koje su od interesa za ruralnu populaciju. Osim toga osnivanjem *Međusektorske mreže za poljoprivredu i ruralni razvoj* cilj nam je razviti strateško i snažno partnerstvo između javnog, privatnog i civilnog sektora kroz uspostavljanje zajedničke platforme koja će djelovati u cilju unapređenja sektora poljoprivrede i ruralnog razvoja.

Ova zajednička platforma, u obliku Međusektorske mreže, treba biti sačinjena od tri tijela koja će podjednako i zajedno biti angažovana na dostizanju planiranih razvojnih ciljeva u ciljnim sektorima. Prema svojoj strukturi Međusektorska mreža se sastoji iz tri tijela: Prvo je **Mreža za ruralni razvoj u Bosni i Hercegovini** (MRR BiH) koja je sačinjena od većeg broja organizacija civilnog društva. Drugo tijelo unutar Međusektorske mreže čini **Grupacija privatnog sektora**, a treće tijelo unutar Međusektorske mreže je **Grupacija javnog sektora**. Predviđeno je uspostavljanje tijesne i izrazito funkcionalne veze između MRR BiH, Grupacija privatnog i Grupacije javnog sektora kao i Think Tank-a koji će naknadno biti formiran, a koji zajedno čine Međusektorsku mrežu za poljoprivredu i ruralni razvoj u BiH.



Grafički prikaz strukture Međusektorske Mreže

Opis Grupacije privatnog sektora

Grupacija privatnog sektora je sačinjena od predstavnika/pojedinaca koji zastupaju privredni sektor u BiH. Ona će usko saradivati i pružati podršku MRR BiH u zauzimanju stavova i prijedloga u vezi definisanja problema sektora i relevantnih politika koje će se istraživati i pratiti. Članovi Grupacije privatnog sektora predstavljaju privredni sektor iz kojeg dolaze i na taj način zastupaju stavove privrede u radu Grupacije i na taj način saraduju sa Mrežom. Ovo tijelo će biti osnovano u prvoj fazi projekta i učestvovati će u identifikovanju najvažnijih problema sektora, ali se neće baviti istraživanjem i predlaganjem inovativnih rješenja za probleme sektora, dok će Think Tank imati upravo tu ulogu. Pojedinci koji čine sastavni dio Grupacije privatnog sektora moraju biti kompetentna lica koja mogu dati ozbiljan doprinos radu Međusektorske mreže odnosno razvoju poljoprivrede i ruralnih područja u BiH i ta lica moraju biti spremna odvojiti dio svog vremena, a svoje vještine i znanja usmjeriti u svrhu doprinosa Međusektorskoj mreži. Model Grupacije privatnog sektora predviđa da njegovi članovi budu zaduženi za podršku radu Mreže za ruralni razvoj u BiH kroz davanje savjetodavnih inputa Mreži u definisanju prioriteta, te implementaciji aktivnosti Mreže i zagovaranju interesa ruralne populacije u promjeni relevantnih politika.

Predviđeno je da Grupacija privatnog sektora broji od 7 do 10 članova. Nakon odabira članova ovog tijela, organizovaće se prvi sastanak članova Grupacije, gdje će se potpisati Protokol o saradnji od strane svakog člana i legitimnog predstavnika Mreže za ruralni razvoj u BiH. Ovim Protokolom će se okvirno definisati članstvo i rad uspostavljenog tijela, te njegova saradnja sa MRR BiH. Uvodni sastanak će poslužiti za medijsku promociju novoosnovanog tijela i same Međusektorske mreže, te će se pred medijima i javnosti predstaviti uloga i struktura Mreže i ovog tijela kao i njihovi zadaci u narednom periodu.

Opis Grupacije javnog sektora

Grupaciju javnog sektora čine predstavnici državnih i entitetskih institucija, privrednih komora, akademске zajednice, medija, itd. Članovi Grupacije javnog sektora predstavljaju javni sektor i na taj način zastupaju stavove institucija iz kojih dolaze i na taj način učestvuju u radu Međusektorske mreže. Pojedinci koji čine sastavni dio Grupacije javnog sektora moraju biti kompetentna lica koja mogu dati ozbiljan doprinos radu Međusektorske mreže odnosno razvoju poljoprivrede i ruralnih područja u BiH i ta lica moraju biti spremna odvojiti dio svog vremena, a svoje vještine i znanja usmjeriti u svrhu doprinosa Međusektorskoj mreži. Predviđeno je da Grupacija javnog sektora broji od 7 do 10 članova, koji će na prvom sastanku potpisati Protokol o saradnji od strane svakog člana i legitimnog predstavnika Mreže za ruralni razvoj u BiH. Ovim Protokolom će se okvirno definisati članstvo i rad uspostavljenog tijela, te njegova saradnja sa MRR BiH.



Opis modela Think-Tank-a

U kasnijoj fazi projekta predviđeno je formiranje drugog tijela u okviru Međusektorske mreže stakeholdera koje će predstavljati svojevrsni **Think Tank**. Ovo tijelo će se formirati na osnovu interesa potencijalnih članova, a najvažniji zadatak ovog tijela je da se ono bavi istraživanjem relevantnih politika te da kroz svojevrsan intelektualni angažman dolazi do inovativnih i efikasnih rješenja za raznoliku problematiku prisutnu u sektoru poljoprivrede i ruralnog razvoja. Članovi Think Tank-a treba da budu visoko profilisani i kompetentni stručnjaci iz sva tri sektora koji su u stanju da ponude nove koncepte razvoja uključujući i nove politike. Članovi Think Tank-a učestvuju u njegovom radu na individualnoj osnovi i u Think Tank-u ne predstavljaju instituciju/organizaciju/preduzeće iz kojeg dolaze. Obzirom da **Think Tank** predstavlja potpuno nov pristup u istraživanju javnih politika u Bosni i Hercegovini, usvajanje ovog modela u kasnijem radu bi zavisio od samog interesa osoba koje bi bile uključene u stvaranje sva tri tijela Međusektorske mreže.

